

BizUp Goes Local:

Otvoren poziv za učešće preduzetnica sa područja Doboja, Zavidovića i Žepča

Nakon uspješno implementiranih pet izdanja BizUp programa, **Fondacija 787** u saradnji sa **Gradom Doboju, Gradom Zavidovići i Općinom Žepče**, te uz podršku konzorcija **Caritas Švicarska - Niras** u sklopu projekta "Lokalni ekonomski razvoj u BiH", objavljuje poziv za drugo izdanje "**BizUp Goes Local**", programa podrške mikro i malim biznisima koje vode žene sa područja tri navedene jedinice lokalne samouprave.

"BizUp Goes Local" je dugoročni program podrške koji će se implementirati u periodu od augusta/septembra 2025. godine do aprila 2026. godine, za grupu od 15 preduzetnica koje su svoj biznis osnovale u Doboju (6 preduzetnica), Zavidovićima (4 preduzetnice) i/ili Žepču (5 preduzetnica). Cilj programa je obezbijediti podršku preduzeticama pri prevazilaženju ključnih poslovnih izazova, savladavanju novih vještina i znanja iz različitih poslovnih oblasti, te samom unapređenju poslovanja i vidljivosti biznisa.

Odabrane polaznice programa dobijaju priliku za:

- učešće u online interaktivnim radionicama i predavanjima sa stručnjacima/kinjama iz različitih oblasti,
- pristup jedinstvenoj F787 edukativnoj platformi sa velikim brojem različitih edukativnih materijala,
- individualnu mentorsku podršku sa ciljem poboljšanja poslovanja odabranih biznisa na osnovu potreba mapiranih nakon provedenog dijagnostičkog procesa,
- stručne konsultantske usluge eksperata/ica koji će se fokusirati na jačanje i rast biznisa,
- učešće na Female Founders Summit 2026 koji će se održati u aprilu 2026. godine, te
- dodjelu bespovratnih finansijskih sredstava u iznosu 6.000 KM po biznisu, za utrošak u skladu sa dogovorenim ciljevima u direktnoj vezi sa rastom poslovanja, te unaprijed definisanim kriterijima.

Kriteriji koji će se uzimati u obzir pri selekciji prijavljenih preduzetnica su slijedeći:

- biznis mora biti registrovan najmanje 12 mjeseci u trenutku apliciranja na području Grada Doboja u bilo kojoj formi, ili kao osnovna djelatnost na području Općine Žepče ili Grada Zavidovići,
- osnivačica/vlasnica ili većinska suosnivačica/suvlasnica biznisa je žena (bez obzira kojoj starosnoj skupini pripada),
- preduzetnica se suočava sa izazovima da samostalno dovede svoj biznis do tačke rasta poslovanja,
- preduzetnica ranije nije dobila finansijsku podršku od strane Grada Doboja,
- preduzetnica nije dobila finansijsku podršku od strane Općine Žepče u 2024. godini,
- preduzetnica koja dolazi sa područja Općine Žepče ima izmirene direktne poreze i doprinose,
- ukoliko su ispunjeni prethodni uslovi, prednost se dodjeljuje biznisima koji imaju element inovacije i/ili je moguće identifikovati potencijal za brz rast poslovanja, te biznisima koji imaju društveno odgovornu komponentu tj. doprinose zajednici, biznisima koji posluju u ruralnim i slabije razvijenim mjestima, te biznisima gdje je izražena spremnost preduzetnice da se aktivno posveti učešću u cjelokupnom programu.

Većina programa će biti realizovana u **online formatu**, uz izuzetak povremenog prisustva na aktivnostima uživo počevši sa uvodnom aktivnošću planiranom za septembar 2025. godine. Učešće odabranih polaznica je besplatno, a od učesnica se očekuje da će nastaviti svoje poslovanje minimalno 12 mjeseci nakon završetka programa.

Rok za prijavu je do **08.08.2025. godine (do 17h)**, a prijave se šalju isključivo elektronskim putem popunjavanjem [OVOG PRIJAVNOG OBRASCA](#). Nakon zatvaranja prijava i procesa predselekcije preduzetnice koje budu zadovoljile kriterij za naredni krug selekcije će biti pozvane na online intervju.

Fondacija 787 već jedanaest godina pruža podršku preduzetnicima i preduzetnicama iz cijele BiH kroz brojne programe usmjerene na razvoj biznisa, inovativnih ideja i jačanje prisutnosti na inostranim tržištima. Kroz svoj rad Fondacija 787 za cilj ima i zagovaranje dobrih praksi, kao i predlaganje niza aktivnosti i procesa kako bi se stvorila što uspješnija klima u preduzetničkom ekosistemu u BiH.

***Napomena:** U okviru svojih programa, Fondacija 787 nije u mogućnosti da podržava poslovne aktivnosti koje uključuju prodaju alkohola, duhanskih i srodnih proizvoda i pružanje usluga igara na sreću.

Za sva dodatna pitanja u vezi sa programom možete nas kontaktirati putem sljedećih kontakata:

- Fondacija 787: Amela Brčaninović - amela@f787.ba
- Grad Doboj: Alen Božićković - a.bozickovic@doboj.gov.ba
- Grad Zavidovići - Aida Husić Mujanović - aida.husic.mujanovic@zavidovici.ba
- Općina Žepče - Branka Janko - razepce@gmail.com